

nienfem, A. 1687., mens. Ian. Muneribus deinceps fungi coepit sacris, & magnis, & Gradus consecutus est sublimiores. Anno nominatim 1688. d. 19. Ian. Gymnasii saepenumero dicti Schleusingenfis fiebat ConRector, A. 1691. Sonntagio Pastor Schleusingae, Superintendens, & Illustris Gymnasii Ephorus, successit, habita docimastica Concione feria II. Natiuitatis A. 1690., & ordinatus d. 18. Febr. A. 1691., in Gymnasium vero solenniter introducebatur d. 16. iun. a. e.; Anno porro 1698. Licentiatus Theologiae in inclyta Philyrea renunciabatur, defensa pro Gradu hoc Disputatione, in Renatorum perfectionem, Inaugurali: A. 1699. Doctorea ornabatur Infula, noua in Locum de Baptismo edita Disputatione Theologica. Anno tandem 1702., cum REV. & SEREN. PRINCEPS, DN. MAVRITIVS GVILIELMVS, Postulatus Administrator Episcopatus Numburgensis, Dux Saxoniae e. r. NVTRITOR noster longe Clementissimus, Schleusingae Regimen constitueret prouinciale & Consistorium, ipse Consiliiarii Ecclesiastici & Consistorii Assessoris augebatur dignitate. Hacque Is ratione in Consistorio etiamnum sua exponit consilia, in Ecclesia moderatur docetque, & in Gymnasio Ephori & Theologiae Professoris sustinet munia, hoc est, rei sacrae rationibus prospicit, consulitque, & vota pro incolumitate uti meretur, ita pie audit nuncupari.

*Ex Coniugio priore cum Foemina Genere & Virtutibus conspicua, Dorothea Maria, Filia Io. Ern. Schadii, Gymnasii Schleus. Rectoris, & vidua M. Andreae Trotii, Pastoris in Heinrichs 1 prope Sulam, ducta
A. 1699.*